



Synfocity = 407

13th September, 2012

mail us at : mzsynfo@gmail.com; mizoramsynod@gmail.com - Phone - 2314648

□ Synod Moderator-in TNT tlawh

Synod Moderator Rev. Thangzauva chuan September 9 (Pathianni) khan Thutak Nunpuitute Team (TNT) hmunpui, Muanna Veng-a mi a tlawh a, Synod Moderator hian TNT camp-a enkawl mek, puitling leh naupang 211 baptisma a chantir. Inkhawm hi TNT Hall-ah neih a ni a, Synod Moderator hian inkhawm kaihrui nghalin, baptisma hi a chantir a, thuchah a sawi bawk. Baptisma changte hi an nu leh pate aiawhin TNT founder Pu Sangthankiman thutiam a a laksak a, TNT Zaipawl leh Rock Band ten Pathian fakna hla an rem bawk.

Synod Moderator hian TNT tanpui nan sum fai engemaw zat a pe a, Pu Sangthankima'n lawmthu sawina leh tawngtaina hun hmangin inkhawm a khar a. Inkhawm banah inkawmna hun tha tak an hmang zui bawk. Synod Moderator Rev. Thangzauva hi a nupui Pi Lalnunmawii, Synod Secretary Upa D.P. Biakhhuma, Synod Multipurpose Training Centre (SMTC) Director Rev. F. Lalrinnunga te nupa leh Peter Lalanpuia (Synfo) ten an tawiawm a ni.

□ Campus Ministry leh Zirna In hotute inkawm

Nimin (Sept. 12) khan Synod Conference Centre, Mission Veng-ah Aizawl khawpui chungha Zirna in hrang hrang : High School, Higher Secondary School, College leh Institution danga Headmaster & Principal-te leh Synod Campus Ministry hruaitute chu zirlaite nun kaihrui kawnga campus ministry hmalakna leh thawhho dan tur chungchang sawiin an inkawm a, he inkawm ho programme hi Rev. Vanlazuata, Campus Ministry Committee Chairman-in a kaihrui a ni.

He inkawm honaah hian Dr. Robert S. Halliday, Campus Ministry Committee Member buatsaih "Concept Paper" chu zirho a ni a, kal khawmte hian sawihona hun an hmang zui bawk a ni. Hun tawpah Rev. Krawschuanmawia, Coordinator, Campus Ministry chuan lawmthu sawiin thu hmawr a bawk leh a ni. He inkawm honaah hian mi 117 an tel a ni.

Synod Campus Ministry hi kum 1989 Synod Inkhawmpui thurel bawhzuia din a ni a, tunah hian Synod Office-ah Department pakhat niin zirna in hrang hrangah zirlaite Pathian thu lama kaihrui leh mimal nuna harsatna su kiang tura rawngbawlna neiin a thawk mek a ni.

□ Zin

- ♦ September 12 - 15 chung hian Imphal, Manipur a Mission Consultative Body tlawh turin Upa D.P. Biakhhuma, Synod Secretary leh Upa C. Ngurthanmawia, Statistician te an kal.

- ♦ September 13 - 29 chung hian Yangon leh Tahan-ah Phai Synod Retreat hmanpui turin Rev. Vanlazuata, Senior Executive Secretary leh Pu R. Lalthanzama, Republic Vengthlang te an kal. Retreat-ah hian Rev. Vanlazuata hi Speaker a ni ang.

- ♦ Nimin (Sept. 12) khan Shillong leh Guwahati-a Income Tax office dawr turin Tv. Zaihmthanga Fanai, Accountant a kal a. September 18 - 20 chungin Christian Institute of Management, Bhubaneshwar-ah Account Training a nei ang. Hemi hnu hian Calcutta Mission Field leh S.T.A. account a rawn endik nghal ang a, September 22 (Inrinni) ah a lo let leh ang.

□ Synod Mission Board

September 10 - 21 chung hian Field Committee leh Barak Area Committee neih mek a ni a, committee neihpui tur hian Rev. Lalzuithanga, Executive Secretary; Rev. K. Lalhmuchhuaka, BEC Member leh Upa Vanlalchunga, BEC Member-te an kal. September 11 (Thawhtanni) khan Barak Area Committee, Silchar-ah an thu a, vawiin (Sept. 14) hian Arunachal West Field Committee, Itanagar-ah an thu leh ang a, September 17 (Thawhlelni) ah Arunachal East Field Committee, Khasan-ah an thu ang a, September 19 (Nilaini) ah Assam Field Committee, Guwahati-ah an thu leh ang.

□ Synod Social Front

September 19 - October 5 chung hian Orissa-ah Crusade neihpui turin Robert S. Halliday, Social Front Coordinator a kal ang. Crusade hi hmun hrang hrang - Jilakuta, Duringguda leh Gudripoddar-ah te neih a ni ang.

□ Tanpuina pe

Tun hnaia Assam-a chi leh chi inkara buaina chhuaka tanpui ngaite tanpui nan PCI kaltlangin ₹ 30,000/- leh NEICC kaltlangin ₹ 20,000/- pek a ni.

□ Aizawl Theological College (ATC) News

- ♦ September 5 (Nilaini) a Synod Theological Education Board (TEB) meeting chuan ATC Associate Professor 2, Rev. Dr. C. Lalhira (Vice Principal) leh Rev. Dr. Vanlalnghaka Ralte (Registrar) te chu Professor-ah a hlangkai.

- ♦ Aizawl Theological College zirlai (B.D./ M. Th.) te chuan September 17-28 chungin First Semester Exam an nei dawn a. Exam zawh hian Presbytery Inkhawmpui hmangin mi 2/3 te tea inthenin hmun hrang hrangah an kal darh ang.

- ♦ ATC-a Pathian thu zirna course hrang hrang zir turin dilna hawn a ni leh ta a, ATC office-ah ngaihven theih a ni.

□ Naupang Inkhawmpui

September 9 (Pathianni) khan Presbyterian Kohhran Naupang Sunday School (Beginner - Sakramen Department) ten Kohhran hrang hrangah inkhawmpui an nei a, thu leh hla hmangin intihsiakna an nei. September 16 (Pathianni) hian Senior Department-ten Inkhawmpui (Senior Department Meet) Bial tinah an nei thung ang.

MSSU hnuaiha kum 2012 hian Sunday School 893 a awm a, Zirtirtu 41177 an awm a, Zirlai 353359 an awm a. A vai belhkhawmin 394536 an ni. Senior Department bikah tunah hian Zirtirtu 4125 an awm a, zirlai 27195 an awm a. A vai belhkhawmin 31320 an ni.

□ Interserve mikhual

John Amalraj, Executive Secretary, Interserve India chu September 28 hian Aizawl ah a lo kal dawn a, Moderator leh Synod Partnership Committee-ten an lo dawngsawng ang a, partnership leh National Consultation on Global Missions chungchang an sawiho ang.

- ❑ **Synod Bookroom**
September 17 - 21 chung hian Serchhip Branch-ah physical checking nei a ni dawn a, checking nei tur hian Headquarters atangin Pi B. lalthiangi, Foreman leh Tv. Benjamin M.S. Dawngkima, Seller-te an kal ang.
- ❑ **Hruaina Eng FM Radio & TV Programme**
 - ◆ **SEPTEMBER 14 (FM Radio @ 7:30 p.m.) :**
Choir : Electric Veng Bial Zaipawl - Jerusalem Ka In Ropui, Saron Veng Kohhran Zaipawl - Rorelna Dik, **Thuchah :** B. Lalhmunliana - Chhuna awm anga mawi taka awm, **Solo :** Lalremruata - Amen Silfai ka ni, **Choir :** Lunglei Presbyterian Choir-Ka Hrethiam Tawh Ang
 - ◆ **SEPTEMBER 16 (TV Programme @ 3:00 p.m. :**
Choir : TBZ Choir - Aw Lal Pathian, **Sermon :** Rev. C. Lianhmingthanga - Pathian hnaih, **Solo :** Lalruotmawi - A laiah Isua, **Zaikhawm @ Revival Meet 2012, Solo :** Robert - Thinlung chaute tan, Sangzuala Chhangte - Ka duh tu dang mah an awm lo, Lalruotmawi - Tap chungin
- ❑ **Susamachar Prasaran Programme**
September 16 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Electric Bial Masihi Sangati Zaipawl, **Group/Choir/Solo :** Chhinga Veng Masihi Sangati Zaipawl - Isu Bula Raha Hai, **Sermon :** Rev. B. Zobiakluanga - Jagat Ki Jyoti, **Group/Choir/Solo :** Tanhril Pastor Bial - Yeshu Masih, **Group/Choir/Solo :** Govt Complex Kohhran - Syon Desh
- ❑ **Campus Ministry Programme**
Rev. Krawschhuanmawia i/c Campus Ministry chuan naktuk (Sept. 14) ah Hrangbana College SEU Inkhawm a hmanpui ang a, tlai dar 4:00-ah Students' Centre EU Standing Choir hlanna hun a hmang baw ang. September 17 (Thawhtanni) chhunah Mizoram College of Nursing-ah Bible Study a neihpui leh ang a, September 18 (Thawhlehni) chawhmaah Apollo School of Nursing-ah hun a hmanpui baw ang.
- ❑ **Moderator Programme**
Synod Moderator Rev. Thangzauva chuan hetiang hian hun a hmang ang :
 - ◆ September 15 (Inrinni) Zan : Suangpuilawn Hmar Veng Kohhran
 - ◆ September 16 (Pathianni) Chawhma : Khawlek Kohhran
 - ◆ September 16 (Pathianni) Chawhnu : Vanbawng Kohhran
 - ◆ September 16 (Pathianni) Zan : Suangpuilawn Kohhran

SYNOD REVIVAL RAWNGBAWLNA
(September, 2012)

Sl. No.	Speaker-te Hming	Rawngbawlna hmun	Rawngbawln dan	Rawngbawln hun chung
1	T/Upa H. Vanlalhriata	Tachhip	Camping	September 8 - 23, 2012
2	R. Zaihmingthanga	Bethlehem Venglai North	Camping	September 8 - 23, 2012
3	R. Lalbiaksanga	Chiahpui	Camping	September 8 - 23, 2012
4	R. Lalnunkima	Ruantlang	Camping	September 8 - 23, 2012
5	C. Zaia	Teikhang & Kawlbem	Fam. Campaign	September 8 - 23, 2012
6	C. Sapchhawna	Jubilee Kohhran	Camping	September 8 - 25, 2012
7	Lalfakzuala	Chaltlang	Camping	September 8 - 30, 2012
8	K. Lalngaihawma	Electric Vengthlang	Camping	September 9 - 30, 2012
9	K. Lalawmpuia	Thiak	Crusade	September 10 - 16, 2012
10	Lalthara	Falkawn Hmar Veng	Crusade	September 10 - 16, 2012
11	R. Lallungmuana	Chaltlang Lily Veng	Crusade	September 10 - 16, 2012
12	C. Lallianthanga	Khawzawl Chhim Veng	Crusade	September 10 - 16, 2012
13	Upa Zoramliana	Mualmam	Crusade	September 10 - 16, 2012
14	C. Lalchullova	Lungmuat	Camping	September 10 - 23, 2012
15	Upa Lalchhanhima Hnamte	Khawhai North	Camping	September 10 - 23, 2012
16	Laldinthara	Dawrpui	Camping	September 10 - 29, 2012
17	C. Zairemmawia	Aizawl Venglai	Camping	September 10 - 30, 2012
18	Henry Lalhmingthanga	Bunghmun Vengthar	Camping	September 10 - 30, 2012
19	K. Dohleia	Bukpui	Crusade	September 11 - 15, 2012
20	C. Ramthamghaka	Berawlui	Crusade	September 11 - 16, 2012
21	T/Upa Lalthlengliana	Buarpui	Crusade	September 12 - 16, 2012
22	Upa LH Rohmingliana	Kawnpui Venglai	Camping	Sept. 17 - Oct. 8, 2012

NILAI THUPUI TIHDIKNA

Kum 2012 Nilai zan leh Beihruai Thupui Bu-ah NEICC puala Tawngtai Ni kha October 28 tiin ziak palh a ni a, October 21 tih zawk tur a ni

PUTLING SUNDAY SCHOOL ZIRLAI TIHDIKNA

Puitling Sunday School Zirlai 33-naa hrihfianna tlar 4-naa Mosian tih kha Joshuan tih tur a ni a, mi sawm leh pahnih tih kha mi pahnih tih zawk tur a ni.

Sd/-
REV. K. LALPIANGTHARA
Editor
Synod Literature & Publication Board